

per totam terram nostram dedimus, & concessimus litteras transitus, ita quod absque ulla vectigalium, & pedagii solutione tam in terra, quam in aqua per eam libere semper transeant, & immunes stratarum iter habeant, & conductum. Dat. Clavassii die XI. aprilis, XV. indict. an. MCCCII.

Electio rectoris Eccl. S. Nazarii de Predasco facta a cler. Bellexio, & Ogerii Ep. Aquen. Elect. confirmatio.

264

M C C C I V.

Anno Domini MCCCIV., indictione II., die VII. novembris in castro Bestagni; presentibus Petro Culardo, & Belengio Barberio de Bestagno testibus vocatis, & rogatis. Nos Oglerius Aquensis Electus per hoc publicum instrumentum electionem factam per . . . de Bellexiis de Aquis clericum Ecclesie S. Nazarii de Predasco de Presbitero Joanne de Vidixono ad rectoriam, & administrationem Ecclesie S. Nazarii de Predasco, ut de electione patet publico instrumento facto manu Leonis Gratarolae . . . ratificamus, & approbamus omni modo, jure, & forma, quo, & qua melius possumus auctoritate nostre ordinarie potestatis, atque predictum Presbyterum Joannem cum libro, quem in manibus tenebamus, investimus de rectoria . . . Ecclesie de Predasco, & rerum omnium temporalium, & spiritualium pertinentium ad Ecclesiam supradictam, ita quemadmodum dictus Presbyter Joannes de Vidixono dictam Ecclesiam de Predasco, & bona ipsius spiritualia, & temporalia regere, & gubernare . . . rector legitimus . . . Notarii manu fieri publicum instrumentum. Ego Leo Gratarola Notarius publicus hanc cartam mihi iussam feci, tradidi, scripsi.

Investitura D. Oddoni Episc. Aquens. Elect. de decimis Ulmi Petro Rotundo.

265

M C C C V.

In nomine Domini amen. Anno Nativitatis ejusdem MCCCIV., indictione III., die Jovis XXIV. junii in castro Bestagni presentibus Bertolino Aquensi preposito, Guiscardo de Enviciatis, Fratre Georgio Columbo, & fratre Jacobino Rapa testibus vocatis, & rogatis. D. Odonus Aquensis Electus cum uno baculo, quem in manu habebat, investivit Petrinum Rotundum de Rocha Ovrani suo nomine, & nomine Henrietti, & Ansermini fratrum suorum de parte eis contingente decimae, & decimationis de Ulmo, & poderio ipsius, salva semper jurisdictione Aquensis Ecclesie. Quam investituram antecessoribus dicti Petrini fecerat Albertus Aquensis Episcopus, prout apparebat per publicum instrumentum factum manu Opicii Ferrarii de Monte Morixino Notarii concurrente anno Nativitatis Domini MCCLII., indictione IX., die Dominico XXVII. augusti. Qui dictus Petrinus suo nomine, & nomine fratrum suorum juravit fidelitatem dicto D. Odone Aquensi Electo, & successoribus suis eo modo, ut ipse Petrinus nomine fratrum suorum de cetero habeat, & teneat predictam decimam, & decimationem cum omni

eo modo, & utilitate, ac pertinentiis suis nomine recti feudi. Constituens ipse Dominus Electus jamdictum Petrinum procuratorem suum tanquam in rem suam ad exigendam partem decimae memoratae sibi contingentem. Et ibidem predictus Petrinus suo nomine, & predictorum fratrum suorum tactis sanctis Evangeliiis juravit fidelitatem dicto Domino Electo, & ejus successoribus. Et inde unum instrumentum, & plura fieri preceperunt. Et ego Joannes Bistagnus Notarius publicus his omnibus interfui, & hanc cartam mihi iussam rogatus subscripsi.

Ego Franciscus Novellus de Tertio Aquensis diocesis Imperiali auctoritate Notarius hanc cartam, prout eam imbreviatam inveni in quodam protocollo scripto manu Joannis Bestagni de Bestagno, quondam Notarii in publicam, & authenticam instrumenti formam redegi de licentia, & auctoritate mihi concessa a Rev. in Christo P., & Domino meo D. Guidone D. G. Aquens. Episc., & comite de qua licentia patet publicum instrumentum factum manu Joannini de Quiregio Not. sub anno Domini MCCCIV. In fine me subscripsi, & meum signum apposui consuetum.

In tabulario Episcopi Aquens. aliam reperi hujus anni die Dominico V. mensis decembris presentibus D. Bertolino Baudizono Aquensi preposito . . . Bestagno, & Henrico de Monte concessa eidem Petro Rolundo nomine suo, & fratrum ejus ab eodem Oddono Episc. El. Aquen. de eisdem decimis Ulmi. Qua autem de causa fuerit repetita, mihi est incompertum.

Alia Eigerxio de Bublico de parte decimarum Sexami, Monasterii, Cassinaschi, Bublici, Lovazolii, Cessolarum, & Veximi.

M C C C V.

266

In nomine Domini Amen. Nativitatis ejusdem MCCCIV., indictione III., die Sabbati IV. mensis septembris in castro Bestagni, presentibus D. Bertolino Aquensi preposito, D. Bonelio Joanne Aquensi canonico, & Petro Rolandi de Sexamo testibus vocatis, & rogatis. D. Eigerxius sapiens de Bublico de dominis ipsius loci per se, suosque heredes fecit fidelitatem Ven. in Christo P. D. Odone Dei gratia Aquensi Electo, suisque successoribus de parte decimae, & decimationis, quam ipse, & sui antecessores tenebant, & nunc visus est tenere in Sexamo, in Monasterio S. Juliae, in Cassinasco, in Bublico, in Lovazolio, in Cessolis, & in Veximo eo modo ut ipse, & ejus heredes de cetero habeant, & teneant predictam partem predictarum decimarum sibi contingentem cum omni commodo, & utilitate, & pertinentiis suis nomine recti feudi, praestans dictus D. Eigerxius per se, suosque heredes eidem Domino Electo, suisque catholicis successoribus fidelitatis debitum juramentum, & inde preceperunt fieri unum instrumentum, & plura. Et ego Joannes Bestagnus Notarius publicus his omnibus interfui, & hanc cartam mihi iussam rogatus scripsi.

Alia